

明

史

明史卷四百八

盜賊傳

盜賊下

李自成

張獻忠

李自成米脂人小字磁生居懷遠堡之李繼遷寨生而穉惡十餘歲即與回回婆家牧馬喪父為酒傭日沈醉主者遣之去學鍛又不成二十一歲應募銀川驛馬夫乃習騎射學刀槊于延安羅氏盡其技嘗夜送驛遞晦失道有雙狼導之行不傷崇禎元年延安大饑邊兵缺額餉一百三十八萬饑民緣邊兵為盜而陝撫喬應甲奄黨貪且賢有劫道臣吳養和者反

奪養和取千金置盜不問盜自是益橫而被盜者莫敢告是年白水王二反同時有王左掛苗美飛小虎大紅狼等起宜川而固原兵以無餉叛去剽殺畧陽涇陽間會畿輔告警西撫耿如杞以邊兵五千勤王赴京兵部調守通又調守涿又調守昌平功令兵到日不開糧至次日乃開而邊兵以連調積三日不得糧餒且詳暨如杞以諱故得罪別五千人哄然西歸與群盜合自延安至慶陽城堡多陷而延撫楊鶴不以聞於是有王和尚混天猴等從神木渡河陷山西之蒲州自稱橫天一字王攻潞安河曲皆下之王家

引又襲破黃甫川清水木瓜三堡據有府谷總兵尤
世祿怯不能禦而主大梁倒稱大梁王者其別部且
從寧老出漢中鄭襄告急當是時自成為驛夫未反
也無何科臣劉懋疏請裁驛站河北游民隸籍驛邊
者多亡去自成蓋無賴始為小偷里中人苦之謬相
推為里長主徵會自給值催科急縣官箠臀杵于市
自成自顧既不堪而其妻韓氏故娼也與縣皂淫自
成乃發憤殺淫者偕兄子過亡命投甘督所部將王
國為兵過驍敢善鬪賊中所稱一枝虎者也時國適
奉調過金縣兵譁自成忽起縛縣官索餉國止之并

殺國竄八賊隊高迎祥號闖王者而自居于八隊闖
將之末八隊者一眼錢兒二點燈子三李晉王四蝎
子塊五老張飛六亂世王七夜不收八即自成也自
成名未顯而賊中有張獻忠者號八大王先自成有
名方是時王二王火梁左掛神一元一魁諸首難賊
皆已授首而邊將曹文詔楊嘉謨善殺賊斬王家引
于陽城擒點燈子于桑落鎮磔不沾泥于西川滅紅
軍友于平涼俘李老柴于京師誅混天猴于延水關
珍獨行狼可送飛于虎兜四書有之職厥渠魁方賊
之初起其為我首不過此三數人耳而皆已撲滅餘

賊少小可鞭箠驅之而不謂其後之漸難圖也自王
家引死後群推其左丞紫金梁名王和尚者為之首
而合各部賊為三十六營共二十萬有所謂老狗狗
八金剛闖王闖將八大王掃地主曹操射塌天闖王
虎破甲鉗那紅狼頭道神過天星蝎子塊混天王黑
煞神諸有名者而於是自成獻忠始合夥為賊先是
延綏兵以核餉下臺邊閩虛府縣息筭歛加之饑饉
不雨者幾一年人相食職方王惟貞陝撫練國事屢
請發帑賑而未有報也至其冬兩黑雪百日雲深一
二丈盜賊麻起而內地承平久日不睹兵革各棄堡

逃愁慘不知所為故當點燈于犯沁水時千里內無
守堡者獨張忠烈銓其妻霍氏守不去人稱之曰夫
人堡云乃群賊四出各有所向其據交文以窺太原
者閻正虎也屯吳城而進汾州者邢紅狼也從沁州
而北入榆次壽陽者紫金梁張獻忠也襲霍州垣曲
長子以陷遼州者破甲錐混天王也是時自成與破
混合帝遣太監陳大金等分監總兵曹文詔左良玉
艾萬年軍左良玉戰林縣不利而文詔萬年獨有新
獲賊妾因其首紫金梁累敗于故錦衣衛成雁門者
張道濟也乞降吳忽叛去為官軍所殺其他混世王

朔山勤掌世王顯道神等皆前後斬雜蕞幾盡乃賊
之被驅于汾沁者東流順德犯畿輔大名道盧象昇
禦却之南下破河南修武諸縣圍懷慶府時河撫樊
尚燦請良玉駐澤州適中可南獲懷衛北捍沁潞而
良玉援懷慶小有斬獲乃復敗于武安賊得東送入輝
縣由淇濟邯鄲迤蕩河北三府間廷遣倪寵王樸統
京營兵出勦賜二帥弓矢千五百戰馬三百二帥與
良玉萬年并力躡賊于武安于青店于石坡于柳泉
于猛虎村賊詭詞乞撫撫臣常道立信之因監軍太
監盧九德以請會天寒河水冰合賊且降且走驟從澠

池縣策馬徑渡而予是中原賊禍從此始矣先是賊
入山西時雁門戍官張道潛應撫檄軍前有功當賊
犯沁水道潛率蒼頭擊却之生擒賊首滿天星獻俘
而言官謂道潛雖伍冒功改戍海寧衛文詔殺賊于
太行救鄧玘軍力戰甫解甲而河南巡按適至惡其
體倨糾之致論戍故浥池之渡文詔與其兄子變蛟
俱不在軍乃既渡而賊浸盛然究以良玉鄧玘諸軍
軍河上遂從盧氏南下趨荆襄直抵鄭而破上津房
縣及宜都彝陵松滋竟入川夔閬不守時帝改延撫
牛奇瑜總督而以盧象昇為鄖撫勦賊賊從均州遁逃

戰皆敗獻忠竄商洛而自成則急奉閻王奔入興平
之車箱峽峽四山立中亘四十里無去路而土兵用
榴石滾木圍堵而敵若督井春夏連月雨衣糧絕弓
矢脫爛人馬死過半賊不得已賂奇瑜左右說降而
奇瑜妄人好自用籍醜黨上軍門稽名得三萬六千
人指顧解散以為神且檄諸路軍按兵所過府縣為
具稟傳送而賊甫度棧大譟殺獲監官十五員破所
過縣七別賊數萬自畧陽來會在在告警奇瑜得罪
去人乃于是畏自成自成圍隴州延撫洪承疇援隴
圍解而固原道陸夢龍提兵救隆德戰而死全陝皆

震廷議合川湖河西兵四路進勦賊多西向而自成
獨出關趨河南連陷陳州重寶諸縣既而聞承疇加總
督並以關軍兵隨出關自成乃號召諸賊合七十二
營至滎陽大會舊所指名有老狗狗羊里眼左金王
曹操射塌天混十萬過天星九條龍張獻忠等名十
三家殺牛馬祭天令飲列關以羊左當川湖兵射混
當陝兵曹過毛子河當河兵老狗狗九條龍等作游
徼往來策應而自成獻忠別專事東方攻城下邑均
所獲署定自成與獻忠東行破固始霍丘以逮潁壽
殺故尚書張鶴鳴疾趨鳳陽越紫禁城入焚皇陵享

殺毀鐘簋擇高墻罪宗百餘人唐世子與馬俊入福
建稱名號者是也殺班軍高墻軍操軍新軍及府衛
各官死者合四千八十人方是時賊獨甚裂帛作旗
書古元真龍皇帝大飲合樂而獻忠掠小黃門十二
人名響手酒平奏伎自成請得之獻忠不與自成怒
盡殺小黃門徑去走歸德令曹過諸賊而承疇出閔
自成復入閔時承疇奏限五月平賊召諸路兵盡入
河次河之汝寧先遣左良玉湯九州尤世威徐來朝
陳永福鄧玘尤翟文張應昌許成名諸總兵各以所
將使分防隘口而已俟曹文詔至進兵前此文詔已

賈罪在軍屢破賊乾州商州立功至是以別勅未至而徐來朝不肯行兵諱于盧氏鄧玘淫掠為亂兵所殺督師不問也調參將諱大孝不至承疇乃自率邊將賀人龍行約文詔會商州適文詔從南陽來即遣文詔抵洛南擄賊巢敗之追奔五十里抵金嶺川其兄子變蛟爭先殺賊賊聞大小曹將軍名震懼不敢戰承疇乃饗士且節制曰商洛之賊不得西鳳平之賊不得東縱者死而賊圍鳳翔別賊圍平涼官軍之戰于亂馬川者總兵艾萬年中軍劉弘烈副將柳國鎮皆先後死來詔素與萬年善聞其死痛哭詣軍門請

戰乃以三千不當賊于真寧兄子變蛟為前鋒直前
斬賊五百級乘勝追之文詔以步殿賊伏起合圍數
萬還顧無策應者文詔力不支轉鬪數里自刎語具
文詔傳賊乃由耀州走朝邑奔澄城郃陽承疇往復
勦樂而尤世威徐來朝守朱陽閔不戰而潰于是群
賊皆出閔而自成獨留時帝憂甚先以淮撫兵番兵
獲鳳陽陵以巡按余應桂所募土司女官丹氏兵守
獻陵特調龍岡關叅將李重鎮兵四千連東總兵祖
寇兵三千馳援時象昇已授湖撫承疇勦西北象昇
勦東南文詔雖死猶足滅賊而無如節制多未當也

方其時甘肅總兵柳紹宗敗過天星于寧州追至乾
魚海絕其西奔請降而左良玉敗賊于嵩秦翼明敗賊
于均州斬黑煞神飛山虎等唯自成親陷咸陽殺官
吏其勢頗震然亦為官軍所敗賊將高傑挾自成妻
歸降而出閩諸賊則屢敗于良玉陳永福自光羅走
麻城羅田犯蕪水象昇統祖寬等與良玉夾擊于壘
竇賊大勗獻忠狼狽重奔朱陽閩聯三大營候自成
出閩而自成失其妻又失其弟詭乞降于監軍不聽
乃復擊之于高陵富平斬賊千餘級自成扶閩主突
朱陽與群賊會悉眾薄河南關鄉而賊于是已三出

聞矣先是賊攻龍叅將賀人龍被圍自成以人龍同
里遣高傑招之不應疑傑使歸守營而自成妻邢氏
多智掌軍資每賊走糧呼傑入驗符悅傑與傑通至
是未歸共殺賊而自成與獻忠合趨洛良王祖寬共
救之自成走偃師獻忠走嵩分行良王追自成寬追
獻忠皆大捷自成乃攻廬州不下連陷舍山和州殺
御史馬如蛟等去而攻滁時自成獻忠皆在滁環山
為營包絡鱗次百餘里行太僕卿李覺斯知州劉大
華督民登陴賊百道環攻不下城頭火輪巨礮殺賊
無算賊志甚裸婦女百餘皆淫之已盡斷其頭環向

堞植附倒埋露下私以厭緒礮礮裂竟斯取圖榆數
百枚如其數懸堞外向礮仍發是夜彖昇率祖寬馳
援賊方怒盡銳急攻西北隅而上兩閤羊馬墻塵大
起賊不虞兵至寬躍馬前諸將乘之戰于城東五里
橋游擊羅公陣斬賊首搖天動奪其馬連營皆潰遂
北五十里自朱龍橋至閔小積屍撐藉漕撫朱大典
截賊路賊聞道破守禦官軍遂襲官軍旂夜遁至永
城副將祖大樂復遮破之斬賊混天王小秦王俘其
衆奪所鹵婦女馬騾會棗陽土賊以牛酒迎河南所
留賊構葦為宮掛綵繒張樂高宴而自成適至觴自

成自成乃邀一字王曹操共趨開封大樂再敗之殺
熟集斬賊千級遂趨南陽知縣何騰蛟復擊敗之自
成精銳幾盡時蒙昇誓衆曰我逐賊至此諸君努力
無使逸而湖撫王夢尹慢勿應漢以南無一兵待者
而自成乃渡江西走與漢從陳倉子午谷重窺西安
舍而趨慶陽至延綏大敗官軍于羅家山收士馬器
仗而延綏總兵俞紳霄一戰被執勢大振遂運米脂
錦衣遊城下呼鄉里親戚問安否鄉人多艷慕從賊
乃自成西行而閩王尚留漢中會承時蒙昇俱復以
邊警入援閩遼兵北還帝特出孫傳庭于獄授陝撫

傳蕤初入閩即與閩王戰盤厓擒閩王獻俘闕下衆
于是推自成為閩王自成之稱閩王自此始顧自成
與過天星獨行狼蝎子塊諸賊俱在陝惟曹操擣塌
天老狗猷忠東下官兵之駐閩中與河南者俱不
及賊之什一且徵調入衛賊得休息而官軍之戰與
守反非時也乃自成寇三原過天星蝎子塊俱移兵
乘倉官軍不敢出相持值傳庭統變蛟至連戰七日
賊敗蝎子塊降自成與過天星奔秦州由寧羗分道
入川下黎雅青川新明鹽亭諸縣直逼成都攻七日
不能下仍返岷陽曹兵進逼之乃乘夜走武功分賊

往高番掠馬將次老鴟閃值承時從邊塞邊繞降將
蝎子塊追之俘其妻自成復走川而變蛟渡河邀之
且設伏于潼關原驅賊入伏中奮矛掩殺相踏藉先
後降者數十萬委仗如丘山自成乃以十八騎走十
八騎者劉宗敏田見秀李錦谷可成張世傑高一功
張勇李過李雙喜任繼榮繼光田虎劉汝魁其五騎
則掌械兒也自成既斃足走商洛山中讀書觀乾象
咄咄自語嘗掩卷謂左右曰汝亦知漢高之百戰百
敗而得天下乎顧其所讀書云為異人所授甚秘不
得而知也先是象昇破鄧襄賊之在湖者凡十五家

獻忠跪降于總理熊文燦已有日矣至是據殺賊而
自成依之獻忠初欲殺自成既而為曹操所解與自
成羸五十馬五十婦人十令去自成謝曰以身相依
足矣安用是也自成去而收殘賊稍稍自保旋復為
官軍所圍督軍楊嗣昌令曰圍師必缺缺則自成遁
武關嗣昌急招之不得乃復進圍于巴西魚復諸山
自成恨欲自殺李雙喜止之時賊將多降而藍田鍛
工劉宗敏與孩兒軍張勳後稱小張侯者等幸從自
成偕之憩叢祠中顧宗敏嘆曰人言我當為天子蓋卜
之吉即從不則斷我頭以降宗敏諾納其刀腰間三

十三吉起而殺其兩妻曰吾死從君矣自成乃燒死
走河南河南舉人李巖者大司馬李精白子也原名
信信以父奄黨思削其醜嘗出粟千石活饑民饑民
德之稱李公子會紅娘子鬪絕妓也重信由信去強
妾身事信信乘間歸囚于官紅娘子來救破囚饑民
從德之者同時起曰李公子活我今有急乃殺令反
而信投刃成改名巖而盧氏牛金星者亦舉人也以
磨勘被斥介醫生尚綱見自成身成喜其辯與謀議
帳中率優及女隲者亦盧氏人嘗在帳中供奉見其
事車優逃歸告于金星之族久族人恐伺金星歸首

之生新得賊死卒是仍奔自成與李巖同殺自成取
天下勿殺收天下心嘗造為謠曰迎闖王不納糧使
兒童傳歌之而金星所善卜者宋獻策長三尺上識
記曰十八子主神器自成信之大悅拜軍師于是稍
稍減殺散所掠財物餉饑民饑民受餉不耕巖自成
雜呼曰李公子李公子河南叛將迎賊入燔福王府
爵劉基雜鹿醜媯師名福祿酒王世子裸而逃即後
稱號于南京者也時河南饑通判白尚杰為賊所殺
而民就噉之賊乃大賑發府穀及藩邸巨室米廩金
錢各數十萬設卒偽官以書辦邵時昌為總理守其

地去攻開封時昌為河撫所殺而開封不能下周王
出帑金饗士巡撫高名銜推官黃澍知縣王燮同謀
守賊舍之去屠密縣會獻忠為良玉所敗投自成自
成欲殺之修前怨也時曹操在坐力止之陰選良馬
五百匹資獻忠獻忠晝夜馳與羊左合而陝撫汪喬
年與保督楊文岳陝督傅宗龍共出關勦自成戰于
襄陽敗績宗龍死葉縣降將劉國能李萬慶即十五
家賊所稱飛虎射塌天者亦不屈被殺喬年自刎襄
陽潰賊乃乘勝圍南陽猛如虎戰死戕唐王于其宮
連陷河南南陽開封諸屬殺徽王復圍開封先是喬

年撫陝時有言自成祖墳異者喬年請發之米脂縣
後說姓孫實自成族知縣拷之曰祖墳十六棺在萬
山中中一棺始祖也仙人點其穴難鐵燈禁于窰門
白鐵燈明李氏當王及發掘果有燈熒熒赤燧數斛
填礦中毀棺骨青色生毛髮腦宮一赤蛇長三寸餘
有角見日即飛昨日筆者七返而棲于腦喬年函贖
骨并腊蛇以聞自成嚙指恨及知喬年出踊而曰此
發我祖墳者耶急擊勿失而喬年遂敗至是圍開封
開封故宋都金人所重築也厚十丈賊攻城無梯衝
但創拆城法責一甲士拆一甃得者即歸營解甲卧

折也穿穴穴初容一人漸至千百次第傳出出奮一
土柱巨短柱間萬人員短而絕之則一呼而城崩
矣開封守堅每穿穴輒薰以毒穢當者焦爛城上矢
礮齊發擊殺賊帥上天龍等總兵陳永福挽強弩中
自成目賊憤甚乃就城壞處試火攻法以硝炭實甕
填城穴火發甕裂名大小放迸時城壞二十七處將
迸火先下令曰今日必拔引精騎環繞距躍鼓譟俟
城額齊擁以入而城土內堅而外浮火迸迸擊灰土
之漲及于天數千騎織馬賊駭而去攻陳州睢州太
康寧陵考城西華以及歸德儀封齊山鄆縣無不下

者乃復令群賊轉攻開封築長圍圍之凡八月時廷
議謂故尚書侯恂與良玉有舊能致良玉立出恂亦
獄督河南兵良玉初無意援開封至是以兵未鉞與
恂會遇賊朱仙鎮敗績群師皆潰良玉廢然返襄陽
而劉澤清援兵至謀以次結八營築甬道得魏饗城
中賊復斷甬道樵採絕城中雀鼠俱盡曹操亦苦饑
將他徙自成留之時三攻開封憤甚誓必拔守者苦
不堪命以開封北枕河賊營河傍謀決河灌賊而賊
已先覺宥軍決朱家寨口賊決馬家口會大雨旬日
水暴漲兩決口並發聲如轟雷賊漂沒萬人而兵民

死者命數百驚水從北門入穿東南門出徙杞縣屠
邑以入于淮周王率宮眷及仁鄉安鄉永壽仁和諸
主撫按守將多為獲師具舟救去賊乃西向迎傳庭
軍時傳庭初入關即收斬虜將賀人龍戲下軍政肅
然乃以高傑兵破賊塚頭追奔六十里忽曹操接至
統傑後傑之後距者望不見傑以為傑沒也奔衆皆
奔遂濟傳庭執後距斬之時天雨糧車不進搖青柿
為食時謂之柿園之敗而自成屠南陽破汝寧救保
督楊文岳及道府縣以下挾崇王及世子行將至漢
口聞獻忠破武昌怒遣書責之轉而陷襄陽連破德

安業陽宜城穀城光化以及彝陵荊門州遂州歸德
湘陰王攻承天下之楚獻陵木城毀享殿攻承天府
曰揚武州自潛江京山以及德安之雲夢黃陂孝感
皆望風景附唯鄖以降將王光恩死守不下而良玉
方國安諸將皆避去群賊乃推自成為奉天倡義文
武大元帥攻襄陽曰襄京均州曰均平府其餘府縣
多改易名號修襄王宮殿居之自號新順王而分其
兵曰標營曰前後左右營各領兵三千隊自元帥以
下次權將軍次制將軍次果毅將軍次威武將軍都
尉掌旅部總哨總各有等自成妻弟高一功諸子過

晉居帳中號親信田晃秀劉宗敏為權將軍李叢贊
錦為制將軍其餘張禹党守素谷可成任繼榮繼光
張能諸子錦等為果毅將軍以下凡五營合二十二
將置上相左輔右弼六政府侍郎中從事要地致
防樂使自左輔牛金星右弼朱儀以下丘之陶楊承
祿俞上猷顧君思鄧岩忠牛佺鄧連各授以侍郎部
中防樂諸官改所棧崇王邵陵保寧肅寧諸王為伯
使高一功守襄陽任繼光守荆簡養威守彝陵王文
耀守濃白旺守安陸蕭雲林守荆門謝應龍守漢川
周鳳梧守禹州鄭州群賊無不附者惟辛左久據東

南末相下自成置酒宴辛左枝之曹操在軍中保推
為代天撫民德威大將軍而忘之就帳中斬其頭其
餘蝎子塊滿天星整十萬婦地王小秦王射塌天金
翅鵬托天王過天星閔素一條龍小紅狼九梁星諸
賊俱相繼降盡而自成獻忠兩大賊乃歸然獨存自
成為人不甚長高額深頰鳩目蜀鼻聲如豺而語甚
遲緩性慘酷甜整鋸不離左右日斫足剖心為戲
惟甘露泊食不重味於妻不妻無子以李雙喜為子
每在軍辱食稍憇即自枝射曰站隊所過崇岡絕坂
騰而上踰水惟黃河阻帶他悉翹足馬背徑渡後者

斬臨陣列馬三萬名三堵場而各有幟色紅一黑一
白一望若雲錦馬戰久則步排而前長矛三萬擊刺
若飛蓬之則馬兵再合無才遺矣下城不踰時不殺
踰一日殺十之三再日十之七三日屠之束人尸為
燎名打亮每城陷步兵環堞下馬兵撒之如撒海然
無一人脫者獻忠雖至忍不逮也傳庭大治兵閩中
懲柿園之饑作火車枋偏箱武剛遺製運以神機俾
得齎衣糧弓弩臨戰驅以拒馬止則環之可自衛官
役雜脂作凡二萬兩白廣恩肄習之時舊將左光先
已老而廣恩高傑皆狼戾不可法度使傳庭欲稍緩

師期俟集事辦賊而廷督甚急不得已出關先以總
兵牛成虎副將盧光祖由靈陝入洛而親至池池會
下池賊與前驅相遇樂之賊却乃檄廣恩從新安未
會河將陳永福守新灘川將秦翼明出商洛為犄角
中軍高傑帥降將楊承祖等招撫諸賊賊盡奔寶豐
豫設伏滋湖破其伏賊將李養純高紀祥迎降乃遣
別將從魯山搗唐縣老營而盡銳攻寶豐且曰寶豐
不即下賊援至則腹背受敵矣諸將急擊戰小利賊
以精騎數千來援諸將擊走之遂以是夜拔寶豐新
偽州收陳可新等凡數千級次日次邠縣賊萬騎迎

敵前鋒陷陣擒賊果毅將軍謝君友斫賊坐纛尾自
成幾獲而別將搗唐縣者殺賊妻子緝口殆盡會天
大雨轉道漕數尺糧車不至士馬饑或勸退舍就委
輸者傳庭曰軍已行即還亦饑不如破邾縣就食遂
還破邾縣城虛無人割驢羊二百頭噉立盡連雨七
晝夜不斷軍既深入屠馬糞弩食食輒病後軍謀汝
州降盜李際遇陰通賊賊精騎大至傳庭乃分軍為
三命廣恩禦大路而已與傑從間道迎糧永福閉營
休士候糧至勿動乃未發而永福兵先行永福雖斬

不止賊力躡之至南陽傅庭延還繼戰賊置陣五
重官軍力戰破其三至老營而賊死關陣稍動壯士
推火車駭者曰師敗矣遽奔輓輅傾軻塞路馬兵
之奔者皆絀軸賊騎凌騰之步賊手白楛遮擊盧腦
俱裂大敗賊空壁追躡一日夜踰四百里官軍死者
踰四萬失七軍器糧重合數十萬初傅庭退軍自成
侍郎丘之陶相國瑜子以蠟書通曰督師第與戰我
當詭左兵之至以邀其歸而後我從中應之賊可擒
也傅庭報以書其書為自成所得故傅庭若戰反墮
賊計而之陶被害第退軍之頃廣恩以大路道不顧
傑故賊至是傑欲棄關守西安而傅庭與廣恩不許

邀守閔傑亦不顧去自成乃破閔入陷華陰渭南臨
潼傳庭戰死西安守將王根子降賊執秦王巡撫馮
師孔按察使黃炯知縣吳從義長史章世綱皆自殺
自成踞秦府敗西安為長安稱西京授秦王為權將
軍分兵徇諸路皆下之先是自成踞襄陽請議所向
牛金星曰當直取河北以檮燕都自成曰急楊承裕
曰當先據留都以斷漕道自成曰緩顧君恩曰當進
取閔中為根本地可戰可守而後略三邊取河東以
向京師自成曰可矣至是搜秦宮賜君恩女樂一部
酬其謀也發民夫修長安城閔兵渭橋金鼓之聲震

地大開馳道于城中自御藍布袍乘馬張小黃蓋背
有黃龍纛百姓望見稱萬歲乃復大會群賊戎馬數
萬匹旌旗百餘里詣米脂祭墓修之改米脂縣為天
保府榜掠諸紳士索金籍民財其下令禁鹵掠戒殺
裁數日耳諸將降者皆解甲詣宮門白廣恩左光先
俱降獨陳永福未至賊遣廣恩招永福永福曰開封
之戰永福親集矢于王之日今窮而歸命縱大度其
能忘乎自成折一矢誓之永福降惟榆林王世臣世
國一門尤世祿李昌齡皆不屈死乃遣賊下寧夏虜
慶陽三邊盡入賊遂長驅渡河破平陽殺西河王等

三百餘人攻蘭州總兵馬燦副將郭天吉中軍哈維
新姚世儒等皆死殺居民四萬七千人下西寧肅州
山丹永昌鎮番莊浪諸衛進兵略青海所向無敵乃
建元永昌國琬順復五等爵設官分職改內閣曰天
祐大學士平章軍國事平章國事中書曰書寫房六
部曰六政府尚書侍郎中曰中部主事曰從事翰
林曰弘文館六科曰鍊議大夫御史曰直指使尚寶
白尚璽司太僕曰驗馬寺通政曰知政使巡撫曰節
度使布政曰統會使其道府州縣曰防禦使曰尹曰
牧曰令又制權將軍以下服色尚赤品級以一雲二

雲為差紗帽補用唐制帶用犀銀角三等廢與乘馬
關防曰符印曰契營則有中吉左輔右翼前鋒後勁
諸名旗纛則前黑後黃左白右紅中青以五行魁勝
為色分天下為十二州如舜典馬大封功臣李雙喜
為義侯田見秀為澤侯李巖為岳侯劉宗敏為磁侯
劉芳亮為汝侯李過為毫侯張禹為侯侯馬世耀為
巫山伯劉體純為光山伯白廣恩為桃源伯陳永福
為文水伯田虎為寧陵子高一功為臨朐男追王其
先代以李繼遷為不祧之祖其曾祖以下皆上謚號
為皇帝追尊其母呂氏為皇太后氏懷遠堡人嘗夢

一皇者服衮冕謂之曰吾送破軍星來為爾兒醒而
生自成因呼自成皇來兒嘗曰皇來兒當貴時吾不
見升冊封高氏為后陳氏為貴妃諱自成為睿成以
崇禎十七年正月朔即順主位是日風霾黃霧四塞
自成意不悅侍郎姜學一進曰所以掩大明也造甲
申曆設科日試士鑄大錢直白金一兩次當十當五
時獻忠亦僭號四川帝聞大驚大學士李建泰請提
兵西行自成渡河以偽侍郎黎士陞驃乘攻太原下
之執晉王巡撫蔡懋德自殺一路無敢拒者唯代州
不下寧武總兵周遇吉殊死戰凡十日殺賊數萬賊

迭戰被執不屈磔之其妻蒙古猶巷戰焚死自成嘆
司使守將盡如周將軍吾安能至此哉于是長驅下
宣府同撫衛景瑗宣撫朱之馮皆死殺代王宗藩殆
盡總兵姜瓖降遂徙柳溝入居庸關是日命太監守
九門且命諸總兵皆進爵勤王而皆不得至惟唐通
以八千兵入衛出居庸與太監杜勳大學士李建泰
俱迎降京師陪事具烈皇帝紀自成絨帽窄袖衣乘
烏駿羸牛金星宋企郊五騎從登皇極殿據繡座大
學士魏藻德成國公朱統臣率文武百官入賀大學
士陳演勸進不許乃召見京朝官自金星下六政府

尚書宋企郊鞏燭陸之麒張嶸然侯恂甘霖坐以次
呼名自持推何瑞徵四人外自成親選七十三人金
星選二十七人分為三等奏聞放榜名其六等降賊
棄旄而俱不用用其要者餘發權將軍拷掠索金自
嘉定伯成國公陳演魏藻德下皆雙體夾項夾腔權
腦無寧日而于是諸官始稍稍竄去乃殺諸勲衛職
官于平則門外逐閩人出城無老弱責賤數十萬不
許復入開科取士用書義中式者十八人命鞏燭焚
太廟神主進拷索銀七千萬侯家十三閩人十四官
士上估商十一餘宮中內帑金銀器具以及鼎丹門

環鈕綵裝欵剔刺迤邐不及十萬賊聲言得自內帑
惡拷索名也鑄錢不成鑄金璽又不成鑄金餅每餅
千兩數其中費以鐵鉅凡數萬餅括驛車千駝千棹
載歸陝嘗曰陝父母國形勝朕將建都馬畜貴歸故
卿中燕京豈易一西安哉會

大清興兵將討賊而總兵吳三桂家京師聞其妻陳
沅為賊取去大怒時賊命唐通守閩三桂襲破之白
廣恩援通亦敗自成挾三桂父襄令作書招三桂不
應自成親率所部賊十餘萬出攻閩城而以勁賊出
一片石從閩外夾攻三桂懼不敵乃乞師

大清發鐵騎五萬以親王分領之入關先是三桂
與戚畹田弘遇游觀弘遇所買金陵娼陳沅者而悅
之請聘以千金不許弘遇死始以千金買他姬易之
愛甚賊將劉宗敏毒深知其事親圍三桂宅縛其父
襄而曳陳沅去三桂初聞變統素行不應及聞沅信
將齒誓師拒關至是力戰初敗賊于紅花淀又敗于
蘭入敗于遷安斬偽將軍谷可成射劉宗敏墮馬左
光禿負創走自成還京師將奔急僭位于武英殿袁
冕列仗受朝賀癩眩鴻臚贊拜不成列乃命牛金星
行郊天禮是夜焚宮殿旦明出走居民升屋擲瓦礫

奮挺大呼殺賊婦女擊銅盜梁器助之賊人馬相蹂
踐死者數萬追至定州斬賊將三人初賊最親信李
叢叢有大略入京不殺不拷索害出懿安后于危而
獲之使自盡自成忌之及聞河南北反正殺偽官叢
請以兵徇金星微言曰河南叢故鄉其意叵測才八
于豈叢耶自成乃殺叢至是金星獻策皆道七自成
無與謀然猶還兵向三桂殊死鬪三桂分關兵滿兵
番休戰射自成中首墮掖他馬走及故關而止自成
搜陝鐵騎數十萬悉銳逆戰大兵衝堅而入斬
賊將馬世耀劉宗敏賊大清棄陝走高洛截丙戌獲

走荆襄逃之走辰州將令猷忠不得留屯于黔陽初
自成與高氏偕為后及破京師歸收宮人賈張陳杜
為偽妃隨營中其賊將則殺七殆盡惟李過高一功
田見秀劉汝魁賀錦留不去賊衆從者尚數萬會川
湖總督何騰蛟屯兵辰州攻自成自成退營羅公山
水磯令李過守營而自將輕騎掠食村民方築堡守
見塞騎來令圍伐鼓共擊之自成馳射麾下左右格鬪
積兩人馬陷泥淖中村民揮鋤碎其體翻腦棄于地
血肉漫漶不知為何賊也抽尸剝甲裳見龍衣金印
眇左目驚為自成截而獻騰蛟騰蛟曰吾聞李過亦

映六目得非過耶驗之左體傷于鏃曰是矣俎其頤
祭烈皇帝飛書奏捷于福建唐王唐王頒捷馬自成
苑賊乃推李過為主改名繡奉高氏居洞庭山中唐
王遣馬知祥招之封高氏為忠義夫人賜繡名赤心
其所部號忠貞營營中稱高氏為太后高氏上疏稱
稱自成先皇帝後為桂王聞部堵引錫所撫戰長沙
有功封赤心為興國侯當是時獻忠養子有同時附
桂王者皆封王而赤心已死
張獻忠者延安衛柳樹澗人也與自成同年生少為
快手不得志去隸籍延鎮王威嚴下以盜掠與眾就

縛將刑適他將陳洪範未揭頤獻忠親奇之請釋獻
忠而殺其餘縛者獻忠乃從叛兵神一元領紅旗為
先鋒既而據米脂之十八寨與羅汝才號曹操者詭
降于延撫洪承疇而叛之自號八大王雄長諸賊同
紫金梁寇山西不利遂偕自成會群賊荅陽東下連
破河南江北諸縣毀皇陵與自成不合去先是延寧
賊起承疇檄平涼兵併徐如翰截各隘口而令總兵
曹文詔艾萬年往米犖勅如翰知兵文詔善戰自西
興鐵角城諸大捷後賊幾盡即獻忠拔健亦復弭
身奔竄而涓涓未盡絕也至是自成去獻忠攻廬州

不下驅婦女數千裸之罾知府吳太樸而舒城知縣
章可弑開門誘賊入殺數千人應撫張國維統吳淞
兵守桐城璣賊前隊賊憤甚毀道傍神祠大詢遍野
廬江巢縣無為州潛山太湖諸不守者遂由英霍取
道麻城過商州而會自成于鳳翔復先自成出商洛
候自成而總兵祖寬左良玉夾擊敗之走河南祖軍
復敗之于嵩又敗之于九皋山又敗之于圪料鎮先
後斬千級俘百人賊益恚借自成兵報圪料之役遇
祖軍于龍門白沙麀戰復大敗乃邀自成合攻滁此
自成所以大創于關山也當是時自成再入關而老

狗狗過天星獨倚狼諸賊俱盤踞耶襄商洛不相顧
會祖軍以邊警隨承疇象昇北還獻忠得密通曹操
撞塌天諸賊公流東下與羊左賊合乃既合則橫甚
大寇懷寧六合望江江浦在在告警烽火達于維揚
應撫張國維淮撫朱大典統劉良佐左良玉羅公諸
將堵勦賊不得逞時河南自開歸光固以及穎壽被
賊害者三年鷄犬無聲閭廂市集皆虛人採野穗千
里無炊烟亂木槎杈田隴間皆成拱把虎狼千百為
群行道路以故賊無所向則遠寇襄鄖以為常乃群
賊之在湖者稱十三家獻忠與劉國能混十萬老狗

徇射塌天曹操過天星草里眼左金王改世王安世
王順天王順義王而曹操在鄭又與一丈青小秦王
一條龍分四營過天星在均亦與王國寧常國安楊
友賢王光恩分五營以及馬士秀杜應金其名不一
要之皆十三家也時祖軍雖北去而良玉人龍以及
鄭嘉棟羅于莘張令汪之鳳張應元皆所在殺賊賊
大劫會英敵賊營連山谷馬矢薰達十里蚊蚋嘖草
間人畜俱病稍稍思就撫而總理熊文燦為樞臣楊
嗣昌所薦庸劣無大畧好侈言兵事而暗于攻勦到
即言撫乃刊令懸通都曰心示諸家賊待以不死于

是劉國龍馬士秀杜應金李萬慶賀一龍左金玉王
國寧輩所稱十三家賊者相繼請降而猷忠方詐稱
官兵叩南陽城東門為羅岱追及射之中額良玉抽
刀砍猷忠面馬逸遁去猷忠既喪氣值陳洪範在文
燦戲下猷忠德洪範藉洪範乞文燦降文燦信之而
不知其詐也方是時猷忠據穀城曹操亦降故自成
拔猷忠顏曹操解去乃猷忠降時初未嘗有意蒞後
徒以走險之疲可藉休息故遣賊將孫可望重賂文
燦徑寸之珠十碧玉長尺餘者二名姝八文燦亦重
賂猷忠凡有所徵求無不應而其後檻狼織虎漸難

制也無何獻忠立閔梁奪商貨放兵掠民家婦攘閔
間金錢不奉徵調知縣阮之鈿憂之以語文燦文燦
惡其語獻忠乃忽索之鈿印之鈿不與遂殺之鈿反
曹操亦反折穀城城焚廬舍設伏敗良王兵于羅漢
山執其前鋒羅成而同時降賊惟王先思號閔索者
約八營繫賊誓不反其餘羊左曹過諸賊皆叛去分
隨隨太麻黃漳房興遠間為將角會輔臣楊嗣昌以
薦文燦故負慚請親行討賊帝乃賜嗣昌尚方劍鑄
督師輔臣卬陞辭宴平臺賦鏡歌一章贈行而嗣昌
虛恢自用猜鷲失諸將心初至襄陽謀進兵與良王

計不令語其良王傳良王卒破賊于瑪瑙山追奔四
十里斬首二千二百八十有七內有掃地王曹威白
馬鄧天王張士經一十六級皆賊將而獻忠妻妾九
人竟擒其七獲軍貨甲仗馬騾器械珍寶無算降賊
將三百三十人賀人龍亦斬首一千三百三十有三
降賊將二十五是役也良王功第一人龍次之而湖
將張應元汪之鳳亦以是時追賊于水右壩斬馘九
百獻忠走岔溪川將張令方國安再破之令亦驍勇
敢戰有名至是以五千人當賊數萬力戰皆勝獻忠
乃憊甚遁與歸山中而良王與嗣昌齟齬故擒賊无

軍與安平利諸山連營百餘里圍而不攻賊乃蒲山
祇市鹽芻米酪收散亡以圖再振先是曹操過卷梁
既反分兵出羊頭坂窺渡而大昌將劉賁與石碓女
將秦良玉扼之終不得渡至是獻忠走白羊與曹過
合遂由魚住溪渡江連陷長武羅田新寧大竹諸縣
嗣昌不得已作招諭帖萬紙散賊中賊不應已而攻
夔州湖將汪之鳳戰死張應元奪圍走嗣昌本湖人
初意欲驅賊入川使湖地無賊而川撫邵捷春昧其
意使川將張令與石碓女將秦良玉以輕兵守重慶
而秦良玉難之言于捷春捷春不能用至是賊襲破

川兵于上馬渡遂陷大昌張令死石碓兵皆敗秦良
玉單騎見捷春請調土司戰而捷春猶豫語具土司
傳賊乃由竹筒坪過開縣轉趨達州方國安敗退不
敵與爭而降將張一川張載福俱陷陣死遂屠綿州
抵成都當是時嗣昌曾薦萬元吉監諸道軍元吉忠
果能任事乃大饗軍士用猛如虎為總統統諸軍進
止逐賊而賊從瀘州折而東還歸路盡空如虎所將寧
固兵止六百騎質人龍諒歸檄左良玉入彝夔堵守
使者十九送不應初嗣昌憂良玉跋扈人龍方破賊
有功私許代良玉為平賊將軍人龍喜已而良玉有

瑪瑙之捷嗣昌難之顏謂賀將軍需後命而于是良
主人龍俱不為用元吉知二將怨望而又虞賊復東
出則驅賊入川之勞兩見隳敗因有和軍心抱歸路
之請而嗣昌不之省也至是如虎與泰將劉士傑逐
賊及之黃陵城士傑擐甲進如虎總之諸軍皆不前
賊見官軍無繼者乃密抽壯騎奮擊箬谷中士傑戰
死如虎負創走賊果出川至雲陽嗣昌頓足曰悔不
用萬泰軍言賊乃由淨壁趨夔門宿于乾溪一日夜
行四百里耶撫袁繼威邀擊不止乃留曹操抵郾而
自率輕騎下宜城殺督師軍使于道取其符夜叩襄

揚城門裏道臣張克儉約之賊十騎踉蹌入解鞍
宿承天寺夜半火起燔寺臺并襄王府門民望見火
以為滿城皆賊也棄城走城濱先是瑪瑙之捷繫所
獲賊眷并獻忠妻高氏教氏于襄陽獄中知府王承
曾素仇艷二氏色每按囚必脫繫調笑侵辱之至是
賊隊至爭毀控戶架二氏出殺道臣推官而索知府
不可得乃執襄王坐堂下屬之酒曰吾欲斷楊嗣昌
頭而嗣昌在川今當借王頭使嗣昌以陷藩伏法王
其努力進此酒遂殺之去而是年正月自成已破河
南殺福王嗣昌出川聞兩王被害知不免自裁語在

嗣昌傳賊乃破樊城屠當陽招曹操東下連攻信陽
固始獲左兵旗志命其下假之以趨泌陽夜兩獻忠
乘以入殺知縣既而良玉至賊遽舍去攻應山不克
隨州知州徐世淳戰死轉而攻鄖鄖降將王光恩死
守多殺傷乃還攻信陽良玉躡及之大戰斬其頭領
沙甲奪馬萬餘匹降賊數萬射獻忠達股負創走良
玉復躡及會轉饋由興安達信百二十里大雨五晝
夜江水暴漲賊挺逸先是曹操不憚于獻忠已投自
成至是獻忠依自成亦復賴曹操救免得以其間走
洪霍與茅左合時茅左五營在霍太進夏而監軍楊

車然無術以說降受侮賊且叛且伏依林樾窺伺凡
賈解跳孫驚錫表者皆賊間謀官軍莫敢近至是
合獻志日收殘衆破州縣屠舒城六安而取其壯者
益軍會學道執盧賊偽挾書囊製儒衣冠入陷之鹵
無為州男女悉殊其臂大習水戰于巢湖將窺江南
賴總兵黃得功劉良佐爭先擊賊賊敗斬首六千級
橫尸于潛山者六十里于是萃左棄獻志去令自成
而獻志引兵而西當是時良玉避自成于襄陽從武
昌來下盍撤湖兵自隨而以土圍之不勝甲者守靳
黃獻志乃得破麻城收里仁會土兵益軍盡殺麻城

民炮烙衣冠即以土兵為軍破廣濟蘄州屠之關守
道許文岐名脅文岐降不屈既而文岐挾土兵殺賊
謀反正為賊所殺黃人聞盡逃惟女子不行賊乃驅
其妓虎者至城下令拆城指血滲漉淋壁間凡三日
城平則盡殺而填之壑中于是乘勢破漢陽直攻武
昌武昌陷守將任文榮朱士鴻戰死楚王被害初賊
將渡江楚相賀逢聖詣楚府乞發帑募士楚王出為
皇帝所分金襄交椅一于庭曰惟此可佐軍需耳他
何有矣逢聖哭而出至是賊發楚府金揚士而縛王
于椅沈之江心賀逢聖殉之賊乃盡殺我為民其未

蓋者鐵騎圍之而威之于水自鷓鴣洲至道士狀浮
就埽動水為不洗踰月人脂累寸魚鱉不可食乃據
楚府鑄西王之寶改武昌為天授府江夏為上江縣
開科取士得七十八人自成開其破武昌大怒貽手
諭恫喝獻忠獻忠不敢抗轉而南走諸生程天一集
鄉兵二萬夜擊賊于大冶擒偽知縣姜昂鉉沈會霖
官兵復黃州監軍道王瓚沔陽知州章曠皆起兵遮
賊良玉追殺賊于黃石港斬黃四十八寨民兵皆應
遂獲武昌及諸屬縣賊乃陷咸寧蒲圻岳州震動初
賊有大志題詩黃鶴樓詐收人心發金賑他縣禁殺

及聞諸師集大肆屠戮沉撫李乾德總兵孔希貴設
計誘賊盡殲其前部三戰三克以衆寡不敵棄城走
賊既得岳謀過湖卜于洞庭君者三不吉大詢洞庭
君竟渡風發覆賊百餘艘怒而還纜大舟傍岸捆所
載婦女什器投以薪油燒之凡千餘艘連岸四十里
夜中水光如晝逆騎而過長沙下之殺推官蔡道憲
及兵健丁林國俊等折柱王府材至長沙造宮殿時
巡撫劉熙祚遣中軍獲桂忠吉三王于廣西而親入
永州死守賊破永被殺并殺東安知縣陳道壽惟道
州以守備沈至緒力戰得不破至緒戰死其女統其

軍再戰入賊營奪父屍還賊乃屠寶慶常德發嗣昌
祖父塚崇王走其別賊破湘陰者知縣陽開闔門死
建甯永新安福及建昌撫州南豐諸縣而廣東南韶
大震其屬城盡逃道臣王孫蘭請赦不應憤而自經
當是時自成已據西安僭位號獻忠聞之四顧嘆曰
吾亦何處為彼下哉遂逐騎入川合賊十萬置橫陣
四十里破涪江守道劉鮮長守將曾英托之敗績奪
佛圖關至重慶城下發民墓凶其負以穴城而置大
礮為大攻城陷執瑞王時天無雲而雷震殺賊數人
賊怒縱礮仰擊與天角已而雷止殺王撫臣陳士奇

知府王行儉知縣王錫俱被害遂圍成都巡按劉之
渤總兵劉佳引出戰大敗斬龍文光謀決灌縣堰
水注錦江以益城濠水未至而城破蜀王率宮眷沒
于井文光佳引暨推官劉大斗知縣沈雲祚并死賊
乃僭偽號稱大西國改元大順以成都為西京置偽
東閣六部等官以汪兆麟為東閣大學士胡默為吏
部尚書王國寧為戶部尚書吳繼善為禮部尚書龔
完敬為兵部尚書李時英為刑部尚書王應龍為工
部尚書其餘九卿科道官以次分授乃設五軍都督
府中軍王尚禮後軍為雙禮前軍為定國左軍馮元

利右軍張化龍養子四人孫可望龍奇劉文秀李
定國俱如宮保封將軍賜姓張氏獻忠黃而長孫而
虎領人號黃虎強不及旬成而拔鎗過之性嗜飲與
自成比然較無理難測封蜀世子為太子公未幾殺
之開科取士盡坑其所取者禁軍民私語犯者斬家
勿燃燭燃則十家坐列兵為首違聞民過之壯男少
女皆入宮餘盡斬以兵脅紳士不至者全家抵法禁
勿觸諱觸諱殊一手一足下令民間勿畜馬乃擇日
考武生武生無武選校馬之稱者數百匹驅之使
騎既上發巨礮合營大喊以應之馬驚人墮蹂為肉

醫則撫掌大笑蜀府醫院有銅人以楮募其職令醫
者鍼之差者卻取金鎔刺醫者竅召成都五衛指揮
千百戶應襲者赴偽尚書龔完故者送至日午怒下
令盡殺之完故伏地聽命不能起以為慢令也并殺
完故聘并研陳氏為偽后封其兄國威宋十月陳氏
姊弟俱極刑成都令吳繼善既為尚書忽聞門賂死
偽官朝會拜伏所焚數十次有為焚所縣者不
忠引出剗其心分兵為十首二未營設都督領之城
對剗大營中亦營廿三各設兵部二都督曰護衛出
往為保界法死出平以油印印類說者死字中夜

為鼠所撓滿天下忽會兵各殺一鼠至明交轅門不
者代以首是夜兵毀屋穿窖殺鼠轅門外成索觀馬
賊身為文評古帝王謂之御製萬言策頒布學宮後
為聖諭刻石曰天以萬物與人無一物與天鬼神
明明自思自量是時為崇禎十七年之十一月即
大清順治改元之冬自咸道西安方謀襲川遠賊將
馬奇由階文潞入而獻忠覺之親督驍騎出禦于保
寧之梓潼仰視文昌廟曰此張姓我祖也我祖助我
乃上張亞子尊號曰始祖高皇帝大敗馬奇于綿州
俘其衆得蒙古一千五百人改綿州曰得勝州因命

劉爽秀駐廣元艾能奇扼保寧馬元利畧順慶孫可
望收川南惟東重慶仍為川將魯英所復獻忠遣兵
往攻收于多攻城不敵復東而次年乙酉自成復遣
賊將賀珍以三千人敗劉爽秀于廣元將入川會
大清兵追自成出武關廣元撤脩賊遂殺功臣孫可
望為平東將軍劉爽秀為撫南將軍李定國為安西
將軍艾能奇為定北將軍後所稱四將始是也時順
慶道素可船知府史執宸故給事吳宇英俱及川人
李從彥故承祚紅內鎮俱起兵恢復為賊所殺故
相去應熊食事馬乾獲誓師起他如王祥起蓮義楊

張起捷為郭卯起黎州以及司馬造火器延撫李乾
德總督樊一衡戶部范文光邛州舉人劉道貞兵部
侍郎喻思恂提學道王芝瑞涪州道劉麟長皆起邛
後所稱夔州十三家者獻忠聞之意大沮謀乘間襲
西安而盡殺川人以絕顧望先殺所俘蒙古一千五
百人于南門之外始分兵計殺凡一兵殺男子一百
殺把總女倍之以手足為記兵已上則較次進級不
者坐逆罪即于九月望夕夜分起至十月朔止先檢
各衛軍及在營新兵年十五以上者殺之會計各路
所殺衛軍七十五萬有奇兵二十三萬有奇家口不

計乃次殺民之諸生釋道及堪輿醫卜有材技者各
府縣編牌按名自城中大慈寺至濯錦橋賊探甲曜
刃分列掄殺凡三十餘萬家口不計然後捱戶殺名
草殺自成都起由城北威鳳山至南門桐子園綿亘
七十餘里苑積若丘山其婦女不勝殺則用巨鉅圍
之拉于水歲丙戌命四將軍孫可望等分道草殺五
月回成都上功疏可望一路殺男五千九百八十八
萬女九千五百萬文秀一路殺男九千九百六十餘
萬女八千八百餘萬定國一路殺男七千九百餘萬
女八千八百餘萬能奇一路殺男六千六百餘萬女

凡市四百餘萬缺忠自領者名爲御營老府其數自
計之人不得而知也其餘南廠七星治平東廠奎戈
天討太平志正鷹揚宣威果勇果毅等營入勦川北
川南者俱有報數惟偽總兵溫自讓以不悉屠殺棄
妻孥率百騎遁敵忠親引騎追之自讓走百騎皆死
他如偽右軍都督米脂張君用八卦營汝州王明振
武營麻城洪正陸陸興營涇陽郭嘉引三奇營鳳陽
宋官永定營合肥郭尚義三才營山東姜文干城營
六安汪萬象後勦營寶雞彭心見中廠營萬縣杜興
文英勇營黃岡張其在天威營開封王克明龍翰營

麻城商元決勝營周尚賢定遠營張成以及志義參
討金戈神策虎威虎賁豹韜虎畧諸營偽總兵俱以
功疏數少坐徇縱謀逆剥皮死斬其家口于南河嘗
番順慶其屬縣聞令爭先期向酒家買酒圍醉死酒
家堆金錢如塚初大喜既而思之復太慟計又爭委
股以待剝割無或免者獨保寧一城有僧破山出請
命賊持驢犬肉謀進曰能啖此者免破山曰老僧為
百萬生靈悲惜如來一戒耶接手啖之遂免草殺既
盡乃分兵燒數城郭廬舍積聚米粟有未盡者剥皮
以拘于是用法移錦絃而凋其流辜傲何實以黃金

環寶累億萬殺人夫下土石以填之然後決堤放流
名曰水藏後至者不得發毀中國浮屠攻以兵器怒
不速發大礮崩之壓死者以千計又伐木造大舡百
令營兵由山路曳入水凡百里緩者死有令營宜殺
者則裝船而沉之江中乃以平全川土寇宜勒石頌
功德侍臣嚴錫命撰文既成獻忠命面北立錫命爭
曰當南面獻忠怒杖錫命死乃謂此麟可望曰吾初
起草澤從者五百人所至無敵若等所親見也今至
數百萬前年出漢中反為賀珍所敗非為將者不用
命而為兵者貪戀懷二心乎兵貴精不貴多吾欲止

留發難時舊人而盡殺之何如皆唯唯乃密定為法
凡角抵超距意殘飲酏及詬評詭誇皆死連坐其牧
十餘萬諸賊掌殺者殘忍出天性偶夜分念無可殺
殺其妻左右莫敢爭既而以不爭殺左右其慘虐如
此後復以前法所誅尚未盡詭召諸將于演武亭較
五月所上功疏將陞賞比至盡殺之偽參將賀斗將
擊胡明王四先覺併健馬偽為防夜者遁去餘所殺
五千七百員有剥皮者剥皮法從項至 刻一縷裂
之張于前如鳥翅逾日始絕有即斃者行刑者抵死
畏百雷電作詐謂衆曰有天命攸奪諸人吾敢違

天哉于是筮期啓行令各營有妻子然馬匹者詣營
門點驗既集使各殺其妻子不忍者駢戮乃劇成都
城燒宮室以布裹柱澆以脂焚十五日灰燼中有糗
糧未盡者舁之江中躑躅之使入泥尺餘有粒米上
浮者死命劉文秀捆數年所掠珍寶兼金裝巨艦百
餘赴彭山縣江口沉之而殲駕船卒于水後為楊展
所洩取以賑川南即是物也于是發成都由漢川金
堂什邡綿竹前發或有疾病逆行者按籍不到指為
亡走殺其什伍每日行百里屍連相接然猶立過隊
法凡各營男女初行俱使向己前魚貫過或三留一

或立留二過畢殺所留者曰我奉天司殺自始起此
今已幾及十之七矣恨其三未盡如之何吾殺當此
在冬仲之望蓋是日賊伏誅云先是賊最仇川人既
殺民盡并欲屠川民之為兵者時賊將劉進忠所部
川兵最多計欲執進忠而坑其衆進忠聞之率一軍
俱逃會

太清兵至漢中進忠迎降為鄉導南行遇獻忠于鹽
亭界上是日大霧咫尺不相見獻忠方晚行聞介馬
聲彎弓前至鳳凰坡進忠認之曰此獻賊也發一矢
洞脇急回走而矢叢于背大呼墜地賊將王尚禮尚

資其屍走既而棄去夫離之獻忠死平東以下四將
兵潰入南川渡江奪重慶破十三家軍殺曾英王祥
李乾德等遂復據川詐言獻忠婢老脚有遺腹諸將
雷輔孤而實無有其後平東安兩附桂王入滇走緬
甸賊絕

論曰賊亡人國自古罕有况殘缺如是雖河瑞刀鋸
寃句吞磨百不及一此循蜚以來一大劫運也以為
天意則天太不仁以為人事則當烈皇帝為君事勤
宵旰縱曰無臣亦何遂感召如是夫傾四海之畜竭
九州之力以奉一人亦曰一人庶有死予我而坐令

慘毒至于如此則誰秉國成疾視其死所以不能不
痛恨于長民者也洪範演九疇以六弱為五惡之進
夫君惡至紂亦云無加顏妹邦千室其被殺者亦何
幾而馬晉趙宋蕭弱不振則百年雲擾血流萬里况
海虞草莽其慘有甚于擾者故曰弱之罪進于惡室
無謂與嘗考崇禎初盜賊新起不過馬戶偷兒耳燎
原之火竟致不揃雖官軍勦殺亦曾取勝一二徒以
爪距未成容易扑搦稍稍蕞萋則全無翦伐之勢且
初謂賊力本強原非于毒尤未之比故橫行中原可
以無敵而一承王師如炎火灼毛滄波沃炭窮走

喘汗貽笑螻蟻莫此何為也蓋有明三百年過于輕武
儒臣以奴隸遇間帥尺籍濫冒病坊萊傭漫不經省
師中承廟筭動掣兩肘又中官監進止無已則寇患
文者雜操者法以持其後其在行間者原不能殺賊
即以撫徵百一而其中稍自振拔亦姑且縱賊圍自
存毋令文臣蹴踏之去勢如此不得不弱弱則賊輕
兵賊輕兵則殺兵殺兵則兵且為賊兵且為賊則兵
與賊俱殺民兵與賊俱殺民則民無所逃相顧受殺
以至于亡國而要守起于輕武之一念嗟乎征伐不
可權乎天下難其言出自刑名者流而有文事必

武備亦何莫非聖人語言乃武事弛壞遂至燎亮
靈之賊亦一如神武之不可遏豈不哀哉茲畧叙二
賊殘殺之縣以垂世戒至若臨事周章明明誤國則
操廟筭者固不勝責即督理諸臣之失亦詎指可數
如浥池已威而援師失防車廂既併而軍門受撫真
寧不可戰而遣戰朱陽可以守而不守漢南之逸撫
臣縱之武關之道督師開之穀城之旅降而旅叛賈
靈之忽勝而忽敗夔門之再入而再出幾微不謹夫
勢盡去雖百死曷贖哉